

HIERONYMUS.

EΥΣΕΒΙΟΣ.

EUSEBIUS.

manu possederunt, cum esset procul à Sidone, & vocaverunt eam Dan. Fuit autem terminus Judææ contra Septentrionem, à Dan usque ad Bersabee se tendentis. Meminit hujus & Esaias. Sita est autem juxta Paneadem, de qua Jordanis fluvius erumpit.

¹ LAMAS, in tribu Juda.

² LAMATHARA, ad quem locum Jonathan jacula dirigebat. Pro quo Aquila interpretatur ad signum, Symmachus ad conditum.

ᾠκισαν, ἀποδὲν οὖσαν Σιδῶνος, καὶ ἐπεκάλεισαν αὐτὴν Δάν, ἢ γέγονεν ὅριον τῆς διηκούσης. ὁ μὲν γὰρ αὐτῆς καὶ Ἡσαΐας. καί ται καὶ ἀνωτέρω πλυσίον Πανεάδος, ἐξ ἧς καὶ Ἰορδάνης πρὸς εἰσι.

Λαμάς, φυλῆς Ἰούδα.

Λεματάρρα, ἐνθα Ἰωνάθαν ἠκόντιζε τὰς σχίζας. Ἀκύλας, εἰς σκοπόν. Σύμμαχος, εἰς τὸν συντεταγμένον.

habitarunt procul Sidone, & vocaverunt eam Dan: quæ fuit terminus pertingentis. Meminit ejus Esaias. extat & supra, juxta Paneadem, de qua Jordanis erumpit.

LAMAS, tribus Juda.

LEMATTARA, ubi Jonathas jaculabatur sagittas. Aquila, in scopum. Symmachus, ad conditum.

LAMPSACUS, Mysiæ est civitas ad Hellespontum Ptolemæo & Straboni, juxta Propontidem Stephano. Potest utrumque verum esse, nam Hellespontus Propontidi adheret; nempe si ibi sita fuerit ubi Hellespontus Propontidi conjungitur.

LAODICEÆ fit aliquoties in Scriptura mentio, sed cum plures sint *Laodiceæ*, non de alia arbitror Scripturam loqui, quam de ea quæ Straboni in Phrygia est, à Ptolemæo verò in Lydia Phrygiæ vicina ad Lycum fluvium reponitur. Porro de ea Scripturam loqui, præsertim verò Paulum in Epistola ad Colossenses, satis perspicuum est, cum & Colossæ, ad quarum cives eam Epistolam scribit, & Hierapolis, cujus itidem eodem Cap. iv. v. 13. meminit Paulus, fuerint in Phrygia. Porro teste Strabone Lib. xii. Apamia, quæ & Cibotus dicitur, & *Laodicea* Phrygiarum urbium maximæ sunt.

LAPIS ADJUTORII. Vide ABENEZER.

³ LAPIS BOEN, filiorum Ruben, est autem terminus tribus Juda.

⁷ Λίθος βοηθού, ἐν υἱοῖς Ρουβὲν, ὅριον φυλῆς Ἰούδα.

LAPIS AUXILIATORIS, in filiis Ruben, terminus tribus Juda.

LAPIS ZOELETH, cujus fit mentio, 3 Reg. i. v. 9. in suburbano Hierosolymæ loco, vicinus fonti Rogel, ad Orientem montis Sion, ubi Adonias inaugurari se regem curaverat.

⁴ LASA, terminus Chananæorum circa Sidonem.

⁸ Λασάν, ὅριον τῶν Χαναανίων περὶ τὴν Σοδομίτην.

LASAN, terminus Chananæorum circa Sodomam.

⁵ LASARON, & hanc cepit Jesus rege illius interfecto.

Λασαρόν, καὶ ταύτην εἶλεν Ἰησοῦς τὸν βασιλέα αὐτῆς ἀνελόν.

LASERON, & hanc cepit Jesus, rege ipsius interfecto.

LATITUDO, nomen est putei ab Isaaco in regione Geraritica effossi, Gen. xxvi. v. 22. LEBATH. Vide LABATH.

NOTÆ.

1. Hæc est illa quæ in versione nostra *Lebeman* appellatur, Jos. 15. v. 40. ibi enim codices Septuaginta Interpretum sinceriores etiamnum habent *Lamas*: ut proinde Septuag. Interpretes videantur hanc vocem per o litteram in fine legisse, quomodo etiamnum aliqui Hebræi codices exhibent, cum alii codices plures □ similis figuræ exhibeant, quomodo etiam videtur legisse Hieronymus, licet in fine n pro m suppositum sit in versione nostra. BONFRERIUS.

2. Hanc vocem habes apud Septuaginta Interpretes, 1 Reg. 20. v. 20. ubi & versio nostra appellativè, *ad signum*, expressit. Itaque hæc vox, quæ ex Hebræo expressa est, ad propria nomina nihil pertinet. Sed de ea plura ad locum illum 1 Reg. 20. IDEM.

3. Est hic *lapis Boen* in communibus terminis tribus Judæ & Benjamin, Jos. 15. v. 6. & Cap. 18. v. 18. atque adeo in hujus terminis Australibus, illius Aquilonaribus. Unde id nomen ab uno è posteris Ruben *Boen* dicto acceperit obscurum est. IDEM.

4. In versione nostra *Lesa* appellatur, Gen. 10. v. 19. Fuisse verò circa *Sidonem* Scriptura non asserit, sed potius contrarium indicat, fuisse videlicet circa *Sodomam* & *Pentapolim*, quod longè verius est: unde ad illum Genesim locum secuti Hieronymus in traditionibus Hebræis diximus eandem esse cum *Callirhoë* juxta mare mortuum, ubi aquæ calidæ prorumpentes in mare mortuum defluunt. De *Callirhoë* ejusque aquis calidis & potabilibus, vique earum medica, earumque defluxu in mare mortuum vide etiam Josephum Lib. 17. Ant. Judaic. Cap. 8. & Lib. 1. Belli Judaic. Cap. 2. Eiusdem *Callirhoë* ad Orientalem plagam Jordanis meminit Ptolemæus; Plinius verò Lib. 5. Cap. 16. videtur circa maris mortui latus meridianum collocare, ut mirum non sit Gen. 10. terminum Chananæorum dici esse, donec ingrediatis *Sodomam*, *Gomorrhæam*, *Adamam*, & *Seboim* usque *Lesa*; quasi hic extremus esset Chananæorum limes à plaga Orientali & meridiana. IDEM.

5. Hujus fit mentio, Jos. 12. v. 18. ubi versio nostra habet *Saron*,

in Hebræo autem habetur *Lassarom*, quod secuti sunt (ut ex Eusebio hic liquet) Septuaginta Interpretes: sed & nunc Regius codex *Lassarom* habet; ceteri codices vocem planè corrumpunt. Porro Hieronymus illud s initiale in hac voce censuit esse servile & articuli loco. Ubi autem *Saron* illa fuerit, vel *Lassarom*, non est facile definire: et si enim aliquoties *Saronis* Scriptura meminerit, nusquam tamen vel situm urbis explicat, vel circumstantias, è quibus situs hic colligiposset. Credibile tamen est esse illam *Saronam*, cujus fit mentio Act. 9. v. 35. quæ ibi juxta *Lyddam* constituitur. Et verò ibi constituit *Adrichomius* in tribu Ephraim. Fuit autem regio amœna, ut indicat Esaias Cap. 33. v. 9. & Cap. 35. v. 2. Eadem pascendis pecoribus opportunitissima, ut indicatur 1 Paral. 27. v. 29. Hinc & Hieronymus ad Esaiæ 65. v. 10. ad illa verba: *Erunt campestris in caulas gregum*, fit ait: *Pro campestribus, in Hebræo γρῶ Saron ponitur. Omnis regio circa Lyddam, Joppen, & Jamniam apta est pascendis gregibus.* Item ad Esaiæ 33. v. 9. *Saron*, inquit, *omnis circa Joppen, Lyddamque appellatur regio, in qua latissimi campi fertilesque redduntur.* Itaque non tantum urbs hoc nomen habuit, sed etiam tota circumfusa regio campestris & pinguis à Cæsarea Palastina usque ad Joppen, ut habet infra Hieronymus ad vocem SARON. IDEM.

6. Hæc deesse videntur: τῆς Ἰσραὴλ τῆς διὰ τὴν αἰὸν μὲν Βαβυλωνίαν, ἰ. e. Judææ pertingentis à Dan usque Bersabee. IDEM.

7. Ne hic ex Eusebio fallare; non est hic lapis ille lapis, qui in versione nostra dictus est *lapis adjutorii*. Neque verò in Septuaginta Interpretibus habetur *Lebath* (quod mendosum esse puto) sed *Bath*, Jos. 15. & 18. IDEM.

8. Credo legendum τὴν Σοδομίτην quod rectius esse quam quod de Sidone apud Hieronymum legitur liquet ex iis quæ jam ante ad Hieronymum annotaveram. IDEM.

8. Περὶ τὴν Σοδομίτην] Legendum est Σοδομίτην, hoc est, terram Sodomorum, quæ de re diximus Quæst. Hieron. iii. §. 16. CLERICUS.

1. Hæc